

თელავის მუნიციპალიტეტის საკრებულოს
საფინანსო-საბიუჯეტო კომისიის სხდომის

ოქმი N11

ქ. თელავი

10.10.2022 წელი

თავმჯდომარეობდა: ზურაბ ლილუაშვილი.

ესწრებოდნენ კომისიის წევრები: უჩა ჭოტიაშვილი; თამარ ხატიაშვილი; ოთარი ესიტაშვილი; გივი ლაფაური; მამუკა ბურდიაშვილი; გიორგი ხაჭაპურიძე; გიორგი ქართლელიშვილი; გიგი გიგიტელაშვილი; რუსუდან იმერლიშვილი; ნინო იმანიძე; იმედა კევლიშვილი.

სხდომას აგრეთვე ესწრებოდნენ: დეპუტატები: დავით ღალანიძე; ზაზა ტატულიშვილი; ივანე კირვალიძე; ნიკოლოზ მაისურაძე; ალექსანდრე კუპატაძე; რამაზ ჩეკურიშვილი; ზაქარია გრიშიკაშვილი; ლევან კოჭლოშვილი. საკრებულოს აპარატის უფროსი - ტარიელ გალახვარიძე; საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს სივრცით - ტერიტორიული დაგეგმარების, ინფრასტრუქტურის, ძეგლთა დაცვისა და ბუნებრივი რესურსების კომისიაში მოწვეული სპეციალისტი - დავით ნუსხელიძე; საკრებულოს საორგანიზაციო განყოფილების უმცროსი სპეციალისტი - ნინო ასანაშვილი; საკრებულოს საზოგადოებასთან ურთიერთობისა და პიარის სპეციალისტი - ნიკოლოზ ესიტაშვილი; თელავის მუნიციპალიტეტის მერის მოადგილე - ფიქრია ყუშიტაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი; თელავის მუნიციპალიტეტის მერიის კულტურის, განათლების, სპორტის და ახალგაზრდულ საქმეთა სამსახურის უფროსი - მაია დათუნაშვილი; თელავის მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსი - თედო ხოსროშვილი. მოქალაქე - მაკა მოსიაშვილი; ნინო ფეიქრიშვილი.

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

დღის წესრიგი:

- თელავის მუნიციპალიტეტის საკრებულოს 2021 წლის 29 დეკემბრის №03 დადგენილებაში „თელავის მუნიციპალიტეტის 2022 წლის პროგრამული ბიუჯეტის დამტკიცების შესახებ“ ცვლილების შეტანის თაობაზე პროექტის განხილვის შესახებ.

მომხსენებელი - ზ. ლილუაშვილი
თანამომხსენებელი - ნ. ვაყელიშვილი

მოისმინეს: 1. თელავის მუნიციპალიტეტის საკრებულოს 2021 წლის 29 დეკემბრის №03 დადგენილებაში „თელავის მუნიციპალიტეტის 2022 წლის პროგრამული ბიუჯეტის დამტკიცების შესახებ“ ცვლილების შეტანის თაობაზე პროექტის განხილვის შესახებ.

აზრი გამოთქვეს: ზ. ლილუაშვილმა აღნიშნა, რომ თელავის მუნიციპალიტეტის მერიის მიერ წარმოდგენილ ბიუჯეტის ცვლილების პროექტზე დაწყებული იყო ადმინისტრაციული წარმოება, რაზეც კომისიის წევრებმა წინა კომისიის სხდომაზეც იმსჯელეს. მან წარმოდგენილ ცვლილებასთან დაკავშირებით განმარტებები მოსთხოვა თელავის მუნიციპალიტეტის მერიის საფინანსო-საბიუჯეტო სამსახურის უფროსს- ნ. ვაყელიშვილს.

მან აღნიშნა, რომ მერიის მიერ ინიცირებული პროექტი ეხება თელავის მუნიციპალიტეტის 2022 წლის ბიუჯეტში ცვლილებების შეტანას, რომლის ძირითადი მოტივი მდგომარეობს სხვადასხვა ინფრასტრუქტურული სამუშაოების განსახორციელებლად, ახალგაზრდული და საგანმანათლებლო მიმართულებით თანხების მობილიზებაში. საქართველოს მთავრობის 2022 წლის 31 აგვისტოს N1534 განკარგულებით თანხების დაზუსტების მიზნით, ჯამში შემცირდა 12,778 ათ. ლარი, საქართველოს მთავრობის 2022 წლის 31 აგვისტოს N1574 განკარგულების საფუძველზე, გამოყოფილი თანხების დაზუსტების მიზნით ჯამში შემცირდა 104,8 ათასი ლარი. გამოთავისუფლებული თანხები ძირითადად მობილიზდა ინფრასტრუქტურული სამუშაოების, ახალგაზრდული და საგანმანათლებლო მიმართულებით პროგრამების და ღონისძიებების განსახორციელებლად. ასევე საქართველოს მთავრობის 2022 წლის 14 იანვრის N51 განკარგულებით „ზოგიერთი მუნიციპალიტეტებისთვის უფლებამოსილებების ხელშეკრულების საფუძველზე დელეგირების შესახებ“ საჯარო სკოლების ინფრასტრუქტურის გაუმჯობესების მიზნით საქონლის, მომსახურებისა და სამუშაოების შესყიდვისა და მოსწავლეთა ტრანსპორტით უზრუნველყოფის დელეგირებული უფლებამოსილების განხორციელების მიზნით გამოყოფილი თანხების ასახვაში. ყოველივე ზემოაღნიშნულიდან გამომდინარე მუნიციპალიტეტის ბიუჯეტი ცვლილებების გათვალისწინებით განისაზღვროს 79213,82 ათასი ლარის ოდენობით.

შესაბამისად მოხდა ცვლილება ბიუჯეტის შემოსულობებში და გადასახდელებში. კერძოდ, გაიზარდოს გრანტის მუხლის და სხვა ტრანსფერები - 121,839 ათასი ლარით. გაიზარდოს საშუალო ზოგადი განათლების ხელშეწყობის ღონისძიებების საქონელი და მომსახურების მუხლი 49,14 ათასი ლარით, საჯარო სკოლებში მოსწავლეთა ტრანსპორტით უზრუნველყოფის მომსახურების ანაზღაურებისათვის და არაფინანსური აქტივების ზრდის მუხლი 72,69 ათასი ლარით, სოფელ კონდოლის საჯარო სკოლის სპორტული დარბაზის სრული რეაბილიტაციის სამუშაოებისათვის.

გაიზარდოს ბინათმშენებლობის ღონისძიებების სხვა ხარჯების მუხლი დამატებით 25,0 ათასი ლარით, ქ. თელავში ალაზნის გამზირზე N20-ში მდებარე მრავალსართულიანი საცხოვრებელი კორპუსის შიდა ფასადის რეაბილიტაციისათვის.

გაიზარდოს საშუალო ზოგადი განათლების ხელშეწყობის ღონისძიებების სხვა ხარჯების მუხლი 30,9 ათასი ლარით, 2021-2022 სასწავლო წლის თელავის მუნიციპალიტეტის სკოლების წარჩინებულ კურსდამთავრებულთა წასახალისებლად ფულადი საჩუქრის გაცემის მიზნით. გაიზარდოს ახალგაზრდული ღონისძიებების დაფინანსება ჯამში 10,0 ათასი ლარით, ახალგაზრდული პროექტების და ინიციატივების მხარდაჭერა/განხორციელების დასაფინანსებლად. ასევე გაიზარდოს დასვენების ღონისძიებების ხელშეწყობის არაფინანსური აქტივების ზრდის მუხლი დამატებით 65,0 ათასი ლარით, კავკასიონის ქუჩის მიმდებარედ სკვერის და გამწვანებული ტერიტორიის კეთილმოწყობის ღონისძიების დასაფინანსებლად.


კომისიამ იმსჯელა ბიუჯეტის ცვლილების პროექტით გათვალისწინებულ მთელ რიგ საკითხებზე. განხილვა ძირითადად წარიმართა კითხვა პასუხის რეჟიმში. კითხვები

მირითადად ეხებოდა ინფრასტრუქტურულ, ახალგაზრდულ და საგანმანათლებლო საკითხებს. მათ მიერ დასმულ კითხვებზე ამომწურავად უპასუხეს თელავის მუნიციპალიტეტის მერის საფინანსო-საბიუჯეტო სამსახურის უფროსმა - ნათა ვაყელიშვილმა, თელავის მუნიციპალიტეტის მერის მოადგილემ - ფიქრია ყუშიტაშვილმა, თელავის მუნიციპალიტეტის მერის კულტურის, განათლების, სპორტის და ახალგაზრდულ საქმეთა სამსახურის უფროსმა - მაია დათუნაშვილმა და თელავის მუნიციპალიტეტის მერის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსმა - თედო ხოსროშვილმა.

კომისიამ ერთხმად დაუჭირა მხარი ცვლილების პროექტს. „თელავის მუნიციპალიტეტის 2022 წლის პროგრამული ბიუჯეტის დამტკიცების შესახებ“.

გადაწყვიტეს: კომისიის წევრებმა მიზანშეწონილად მიიჩნიეს, ცვლილების პროექტი წარედგინოს საკრებულოს ბიუროს სხდომას, საკრებულოს მორიგი სხდომის დღის წესრიგში შეტანის მიზნით.

საფინანსო-საბიუჯეტო
კომისიის თავმჯდომარე



ზ. ლილუაშვილი